

路南縣志

地 310.31

41

2124





# 路南縣志

丁巳秋中

唐繼堯題





路南縣志稿序

志縣之書治縣之資也

路南舊為州近始改縣

州志四卷乾隆二十二年

知州史進禹尉學正郭廷

選所纂也洱源馬君錦

帆以民國五年知路南縣

事求舊志已不可得迺



聘其友楊君雨膏相與  
就省府志各門中及於路  
南事者分摘排纂而近  
事則稽彙冊徵采訪依  
類增載亟々將事成路  
南縣志稿十卷其於  
知縣事也可謂副名實  
而亟先務矣夫方志之



書謂之外史其為書必  
綜古今知體要壹歸於  
詳實故集費開局延聘  
雅流聚書謀野需以歲  
月書成猶不能無舛漏  
而况倉卒殺青其疏略固  
不必滯也馬君揚君之意  
六曰掇拾補苴慰情勝



無存此稿本以有後人之  
增補刪正其於治縣之資  
庶幾裨補什一而已然而  
馬君則固已不傳舍此官  
知勤所事可以風勵今之  
從政者余雖未見其書而  
不辭所請為序其端亦猶  
二君之用意也夫丁巳秋九



月釗川趙藩梁





路南縣志序

昔章實齋氏有言州縣志書下為譜牒傳志持平  
上為部府徵信實朝史之要刪也雲南一省都九  
十餘縣而方志有成書者只四十餘縣其餘尚付  
闕如豈故有而已散失耶抑兵燹以後者舊凋零  
新政繁興未遑茲舉也嘗攷周官小行人出使四  
方反命則以萬民利害及禮俗政教之類獻之於  
是史官得所據依勒為專書以備執政者之攷求  
今邑志闕漏如此執政將何所藉以求治史官采  
風自下又將憑何者為筆削資耶路南一縣當漢  
律高舊境唐為隴堤麻泉兩縣地開闢最早而山  
水之清竒人物之殷盛自昔著稱百餘年來變亂  
迭經地方物力人才亦漸就衰替矣將何如興草  
損益以蘄於治理歟是賴邑之賢有司與縉紳先  
生悉心探討乃能有得而本所得以輯成一方之  
志用備徵采且資以施行者亦於是乎在丁巳八



月邑宰馬君錦帆馳書告余謂邑志未成心竊疚  
焉爰與邑人士悉力纂修不日告成丐一言為序  
余以邑志之重要既如上所述而馬君顧能亟亟  
於此可謂知所務矣余既樂觀厥成而馬君治縣  
之績亦將以是覘之特書以弁諸簡端

勳四位二等嘉禾章雲南鹽運使兼代  
行省長事

由雲龍撰

由雲龍印



路南縣志序



史家以志為窮難而地志尤佳  
貽懺對山子尹修志著矣或  
告則舊夾漈實齋論志精矣  
或失則拘余修周史志選舉  
兼助菴之文初稿也初未嘗  
一得也而求其當則迄今每以自

信又修石屏縣志志沿革不  
可自信如故已嘆矣夾漈對山  
洪尹且未免貽懺于吾人矧  
吾人亦學識又且愧于夾漈對  
山諸君者哉今路南縣志成于  
縣知事馬君五先使閱序于  
余路南在潯屬益州元明設官



彬之日盛而志顧闕如夫志也而  
可終于闕哉天下大勢因民情  
然一方沿革國民情然而東西  
西可甲可乙無歷史學以相之  
基流使教育盛實業興風氣  
開言以鑄國民而成鄧一治至  
其游學歐美馳致數字亦深  
知夫天下國家之何強且何  
以弱且亡與子成歸國未克遂  
行其長而小試之于縣尹  
子愛國之心不以成敗異不以  
鉅細分一而治一縣一縣治且  
不以一時之治治而以教子年  
歷史學其基為之治斯其



治績可知而其修志之或企  
乎夾漈對山諸頁且多進焉  
亦可知已可具名標字錦駉  
涇源人与余世交余願焉益  
充其志縣志之心事民事  
治縣治俾後之重修縣志  
者于名宦傳中詳其治  
績是尤余之厚望也夫民  
國六年八月石屏表嘉穀  
橋五甫序于滇省移山移





路南縣志序

余嘗橫渡海洋覽歐美文化之盛漫游印緬探蠻荒風物  
之奇竊歎宇宙之大品彙之繁東西異勢寒燠異宜文野  
異俗非紀載無以詳非志無以明故凡足跡所經舟車  
止暇手購式編歷歷在目益見夫志之爲書匪第足引起  
發鄉愛國之觀念抑亦惠及世界也考古家地理家博物  
家與夫游歷家之好資料也彼夫新進崛起之邦彈丸黑  
子之地尚欲藉是推尊其先世誇耀於地球矧我四千餘  
年之古國區區之內載在版圖者而遂舍此不務哉路南

在唐宋以前忽焉建置忽焉荒廢故無成典可考似矣自  
元明以降設官分守政教敷流迄於今六七百年矣且距  
省治未遠當得風化之先何遺典舊章民焉滅沒俾邦人  
士胥悉忘也誚官守者無考鏡出資宗功祖德莫資傳薪  
片羽吉光胥歸劫火言念及此能無慨然余承乏斯土每  
於政暇旁搜幽隱博訪舊聞恒以修志爲己任猥以業之  
三長自慙謝劣期之不敢以是盜名顧念物以久而愈殘  
事以遠而益晦不肖之作始奚以告成此日正出粗具體裁  
而願後出來者從而修飾潤色也語曰推輪爲大輅之始



其始也簡將畢也鉅不亦可乎抑欲以是啟發斯邑人士  
爰鄉爰國之心俾善自爲謀將進而爲種種必著述以與  
他是競更進而與文明之外邦競此又余之厚望也爰與  
是中搢紳商之則皆贊同乃聘洱源楊君雨膏主稿楊君  
固宿士也四閱月而藏事余與邑中張致中張紹曾諸君  
復從而訂正之書既成特弁數言於簡端以誌其緣起云  
耳

民國六年九月縣知事洱源馬標錦颿甫序



路南縣志序

中國自改革以來頻年用兵未遑文治丁巳夏四月

中潤

僑居省會時值錦駟馬君出宰路南致函聘修其邑方志自維才識粗疎力小任重恐不免覆瓿貽譏而馬君雅意殷殷辭之未獲勉應斯役路南苦於咸豐之亂舊志無存兵燹後幾五十餘年矣老成人

士亦已凋殘文獻不足罅漏之處咎無敢辭謹就耳目所及紀載於編都為十卷因念馬君能於稱戈比干之時舉一切徵兵籌餉勦匪辦團諸急務外猶懷守缺抱殘之感想作彰美傳盛之事功亦可謂勤於所事而達治國之經常矣書成爰為之叙曰

井鬼星分談天者謊經緯纏度姑置無論蕞爾一州



毗連九屬山川錯雜俗尚醇樸作地理志第一

古號昆州年時無考邑市律高開闢獨早有明建國

裁縣併州築城濬池捍衛邊郵作建置志第二

勝國典章永不加賦新政頒行須民擔負滇疆首義

籌餉籌兵練團緝匪苦我人民作賦役志第三

元置中慶邑居其南聲名文物已渥恩覃前清末年

學堂改設思啟文明追蹤他國作學校志第四

昌黎闢佛終古如初他國宗教尤勝於吾鬼神至德

孔子有言國之大事祀典為先作祠祀志第五

不有官師誰為整理雖曰公僕責任無已舊志湮滅

無可考徵姑從缺略以俟後人作秩官志第六

鄉舉里選我國舊規積久生弊科舉繼之今仿他人



復行選舉不數年間風潮叠起作選舉志第七  
國之四維禮義廉恥并此不談國將誰恃路雖小邑  
仁讓風行忠孝節烈代不乏人作人物志第八  
雨露風雷四時有序天地大文不言而喻文以載道  
古聖薪傳六朝靡靡何補時艱作藝文志第九  
環山積雪瀑布飛泉天然勝覽泯沒無傳見龍在田

衆目共覩聊併一端亦非妄語作雜志第十



# 邑志序

周禮外史掌四方之志上之司徒此郡  
邑志此由昉也中國舊制邑屬於郡  
邑所當志郡必志之邑志失修尚無不  
可自民國光復後通令各府廳州皆以縣  
名於是郡邑不相統屬而邑遂不可無志  
矣路南原隸澂江亦改州名縣然改者其  
名而土地人民依然仍舊上有政教下  
有風俗宏綱既舉細目斯賦設無志  
以紀之將使考政教采風俗者無從取  
證固司牧之咎亦邦人士所深恥也銘續  
書未成棄而就武辛亥之役幸從諸偉



人後致命行間尋道

督軍唐公定黔援蜀馳驅戎馬靡獲寧居  
越三年甲寅始由黔返滇方冀軍事稍  
閒與鄉父老議修邑志無何變故迭乘  
日治軍旅不遑他顧有志未逮歎然者久  
之歲丙辰

馬君錦帆來署縣事下車伊始訪知邑  
舊有志燬於兵燹板籍無存殊為闕典  
倡議重加修輯詢謀僉同乃籌經費集  
採訪延請洱源

楊雨膏孝廉總任編纂參諸通志摻及遺  
文時僅十旬全稿已脫自未成書之速無



逾於此 馬君治縣有聲 任事實心已可  
概見茲將持稿付印 問序於余 銘披覽一過  
始於疆域終以雜志 逐類紀載簡而有文 從  
此邑志有書便於檢閱 固當為一邑幸而  
余亦藉償素志且值 統帥將發之日得觀  
厥成尤自幸已爰捐 微貲佐楮墨費異日者  
中央政府釗修民國 全史必徵四方之志 路  
雖下邑得以此志上 之司徒或足備考政  
教采風俗之一助乎

民國六年丁巳重陽前三日邑人趙世銘序





路南縣志纂修所職員一覽表

總纂

路南縣知事馬 標

纂輯

洱源楊中潤

職員

邑人張致中

籌辦員

邑人 潘允恭

張家祺

李映庚

李淮清

金以遜

金以

懋 徐道成

潘允端

李鳳翥

馬高騰

楊含華

張紹曾

路南縣志

職員一覽表

探訪員

楊映溪

段士錕

李銘珍

楊思賢

王士祐

趙樹勳

中區

王士英

時致中

張衛臣

李潤澤

東區

李秉鈞

張致和

趙德潤

南區

尹藩周

苗興之

朱 燦

西區

張 璽

段士錕

黃用礪





韓葆森 馬士彥 楊四知

北區

楊思賢 楊觀光 何秉義

繕書

王之涓 金用溥



路南縣志目錄

卷一

地理志

輿圖

疆域 沿革表附  
大事記附

山川

道路

村屯

風俗

物產工藝製造品附

路南縣志

目錄

卷二

建置志

城池

官署

關哨塘舖

津梁 坊表附

卷三

賦役志

田賦 積貯經費戶口附

水利



卷四

學校志

廟學學額貢例學田附

書院

義學

卷五

祠祀志

典祀

羣祀

祀觀教堂附

路南縣志

目錄

二

卷六

秩官志

官制

題名

名宦

循吏

土官

卷七

選舉志

徵辟



甲科恩拔副歲優附

卷八

人物志上

鄉賢

卓行

忠義

孝友

文學

宦績

寓賢

路南縣志

目錄

三

方外

藝術

人物志下

節婦

孝婦

烈女

貞女

烈婦

賢母義婢附

卷九



詩文雜體

金石

卷十

雜志

古蹟名勝附

異聞

路南縣志

目錄

四